

臺中市108年度語文競賽初賽閩南語朗讀國小學生組

編號 1 號

【阮兜這隻可愛的憨狗】 黃惠玉

人講「貓來富，狗來起大厝」，毋過阮毋捌想過欲飼狗、飼貓，飼這隻狗是機緣。彼時陣阮小弟去予一个查某因仔駛傷緊的車拚著，需要蹠院開刀。本底是有倩看護咧共伊顧，阮家己家婆想講：隔轉工是拜六俗禮拜有歇暝，就共看護講彼兩暝阮家己來顧。真拄好，可能賊仔早就咧觀察阮兜矣！所以彼一暝阮厝就著賊偷矣。拜五暝轉去阿媽兜蹠的後生，透早轉來看著厝內挈斃斃，驚一趔，較緊敲電話予阮。就按呢，舞規半工，才處理好。包括報警、做筆錄、算損失、整理挈斃斃的內面。

就佇著賊偷的代誌發生無佹久，阮翁電廠的同事講欲送伊一隻『哈士奇』的狗。若佇較早，阮是絕對反對飼狗的，這隻狗好親像來了真拄好，厝裡的人攏想講：飼狗防賊仔，所以就共伊答應落來！

人是真奇怪的動物，佇阮細漢的時，阮嘛會記得講真愛飼狗，不時就要求阿母予阮飼，毋過阿母攏毋答應，吵幾擺了後，阮只好死心。等阮做人的阿母，阮囡也捌共阮吵講欲飼狗，毋過想著伊較早做的工課定定著愛阮替伊拭尻川俗飼狗的麻煩，

阮就毋敢答應。所以阮囡嘛死心矣！若毋是這擺著賊偷，阮兜是無可能會飼狗的。

頭一擺看著這隻狗，阮是真恰意，因為伊實在有夠嬌。毛——膨膨膨，身軀——圓圓圓；大部份毛跔是白色的，毛尾仔有插烏色；尻脊骹的毛烏殭金、烏殭金，除了有一條烏殭色的線框過以外，腹肚是全殭白的；膨獅獅的尾溜真大葩，伊不時共尾溜翹懸懸，有一種高貴大方的範勢；四肢跔若大柱。講著伊的面，喙賴是白色的，對目睷跔周圍以上攏是殭烏色、殭烏色的框，看起來親像掛目鏡，真有智慧的款。目睷面頂有一个白點，看起來真歹。伊俗本土狗上無仝款的所在是：伊的目睷仁是淺藍色的，真罕見！阮一入門，伊就跔起來阮身軀共阮司奶，看著伊彼種無辜閣嬌的面，阮就想欲共好好仔惜惜咧！

臺中市108年度語文競賽初賽閩南語朗讀國小學生組

編號 2 號

【烏吉仔¹來做岫】 林淑期

今仔日是歇暍日，阿母講：「誠久無去北海岸迤迤矣！咱來去石門拜訪嘉萍阿姨。」阿姨真好客，恁阮去個的魚池仔釣魚，閣恁阮去參觀個的山頂厝。

一下到遐，所有的物件攏予我感覺足新奇的。「媽，緊來看！遮有一面大壁鏡喔！對面的山、樹仔攏佇內底呢！」阿姨講：「這是以早金山農會改建，拆落來的自動門，阮爸爸感覺擲掉真無彩，共拈來用的。」阮四界參觀，發現有浮動做的面盆仔、大水柴做的椅仔、舊籬笆做的扞手、石枋做的挽枋，閣有真嬌的圖，是用細塊『thài-luh』寬寬仔鬥起來的。予我感覺上神奇的，是阿公竟然利用遮特殊的 地形——「石luā」起一間厝，閣引山泉水來洗盥呢！

阿公講伊少年時陣，就真想欲來山頂飼鹿仔，過恬靜的生活。毋過，愛上班照顧家庭。一直到十幾年前，才開始四界去拈寶，人無愛的物件，就收來遮DIY，沓沓仔這間環保厝就起來矣，實現伊青春的夢想。伊講，遮的櫻花、桂花、桃仔欖、合木瓜欖，攏是伊種的。閣有本底就有的山杉、楓仔樹鬥添妝，

所以一年四季攏有無仝的自然景緻通欣賞。這陣，阮坐佇涼亭仔趺泡茶、開講，看著遠遠的樹仔頂，有一陣長尾山娘飛來歇佇遐，那唱歌、那跳舞，共新娘尾仔撒袂停，好親像咧歡迎阮遮的都市俗。

「E！遐哪有兩簇草仔咧！」小妹擰頭看對楹仔去，原來佇涼亭仔的楹仔趺，有鳥仔欲來遮做岫。阿公那笑那講：「無法度，阮遮地理好，鳥仔佻愛來做岫咧！彼草仔就是烏吉仔咬來的啦！」阿姨講：「這種鳥仔敢若咧變魔術咧！遠遠看是烏色，倚近看變茄仔色，日頭光一照，伊真正的毛，就敢若寶藍色的琉璃咧！」「著喔，個毋但嬌，閣誠骨力。」阿公繼落去講：「遮的鳥仔透早天欲光，就佇阮的厝尾頂唱歌，敢若天然的亂鐘仔咧！」聽個按呢講，阮心內煞暗暗仔期待，希望這個鳥仔岫會當趕緊做好，按呢，明年閣來的時，阮就會當看著鳥仔囡矣。

石門阿公的山頂厝，有大自然的清芳，嘛有尊重性命的環保心、鄉土情。遮，有伊青春的美夢，嘛有阮溫暖的記持。阮欲大聲共講：「會當來遮迤迤，實在福氣啦！多謝你！」

¹烏吉(kiat)仔：臺灣紫嘯鶇

臺中市108年度語文競賽初賽閩南語朗讀國小學生組

編號 3 號

【放學了後】 游蒼林

哇，上尾一節課總算下課矣，欲紮轉去的物件趕緊收收咧。作業簿仔、聯絡簿仔，一定愛會記得紮，轉到厝才袂予人罵甲臭頭。便當盒仔嘛愛提轉來去洗，啊若無，明仔載就愛洗臭酸的便當盒仔，嘛會予老師罵。

阮兜離學校無佻遠，用行的十分鐘就到矣，毋過，我毋免行遐緊，沓沓仔行就會用哩，因為，今仔日早起欲出門的時陣，阮阿母有共我交代，放學愛較緊轉來鬥拈葉仔。我才無想欲遐早就行到厝咧。著啦，先趲入來去店仔買一寡四秀仔才閣講，啊若無，等咧，我一定會枵甲必必掣。

「阿母仔，我轉來矣。I'm home!」猶未踏入戶模我就大聲叫阮阿母。我定定落一寡英語予阿母聽。阿母雖然有時陣敢若虎豹母咧，啊毋過，我嘛是真愛伊。莫怪阿姊笑我有淡薄仔『戀母情結』，毋過阿母嘛講：「恁姊仔細漢的時嘛是一工到暗共阿母綴牢牢，真正是龜笑鰲無尾，鰲笑龜頭短短。哈哈！」

「冊包園咧就緊來拈葉仔hânn？」阮阿母又閣咧催矣。「好啦好啦，連鞭就來啦！」阮兜是種田的，阿爸講播田無利純，

只好改種荖葉仔。種荖葉仔是足厚工的，大人去種葉仔，挽葉仔，阮囡仔人若有閒，就愛鬥疊葉仔。拈葉仔就是共對園裡挽轉來的倒佇大水桶內底用水洗洗咧，才閣一葉一葉拈做伙，疊予好勢，上煞尾才一沿一沿園佇籠仔底裝予好勢，才交予販仔賣出去。

拈葉仔真簡單，毋過規工攞做仝款的動作，實在有夠無聊的，而且，工錢嘛足少的，放學了後若做2點鐘上濟才會當趁八九十箍爾爾。熱天，天較慢暗，啊若寒天時仔，著愛做甲暗眠摸才會當歇睏。別人兜的囡仔放學了後，若毋是看電視就是拍電動、耍電腦，我實在足欣羨個的。毋過，阿母定定講：「艱苦頭，快活尾。細漢食過苦的人，大漢較有出脫的機會。」看阮阿爸阿母逐工攞無暝無日咧趁錢飼阮一家口仔，實在是誠辛苦，咱做序細的會當鬥做一寡工課嘛是應該的。錢少無要緊，阮兜一家，會當平安幸福，我就足滿足矣！

臺中市108年度語文競賽初賽閩南語朗讀國小學生組

編號 4 號

【菜瓜棚仔跤】 王朝源

阿爸上愛褪腹襖，佇翕熱甲予人強欲擋袂牢的六月天。

菜瓜棚仔跤，阿爸有園一條竹仔做的麗椅。伊定定泡一鉗茶米茶、咬一支薰，共收音機倚佇咧耳空邊，聽伊上俗意的歌仔戲，那聽那綴咧唱。

阿爸有歲矣，田裡粗重的穡頭攏做無法矣。這幾冬來的熱人，逐个熱翕翕的下晡，伊差不多攏是按呢過的。

工廠的工課若無誠趕，我定定會提細塊椅頭仔，坐踎阿爸的身軀邊，看伊軟空氣、吐白煙，聽伊講少年的時奢颺的過去。

自我捌代誌了後，阿爸予我的感覺，是一个『a-sá-lih』、講義氣的條直人。

佇庄仔內，阿爸毋但是上老輩的村長，閣是重大糾紛的中間者。聽阿爸家己咧講，較早若是伊欲出來選村長，規庄仔內的人，無人敢和伊拚，會使講是百面贏的。

一直到六冬外前，身體袂堪得，阿爸才無閣佮人佇選舉場拚輸贏。毋過庄仔內，若有拄著啥物撾搥袂好勢的大代誌，嘛是攏著愛請阿爸出面來撾。逐家攏呵咾阿爸，親像是古早的魯

仲連¹，真正是「頂港有名聲，下港有出名」。這是予我感受上濟、嘛是阿爸一世人上值得鬻俳的一層代誌。

阿爸講伊十三歲就綴阿公學作田，十五歲就佮庄仔內的佈田、割稻仔班，四界去共人佈田、割稻仔。

當當下港的稻仔黃甲會當收成的時，庄仔內就會組一班割稻仔班，落下港割稻仔趁錢。落下港一逝，上無嘛愛個外月，才有法度閣踏入門。十四、五歲仔半大人囡仔，欲參大人做仝款的工課，毋但愛綴人會著陣，穡頭閣袂使做比人較耪。阿爸講，彼當時若毋是靠「輸人毋輸陣，輸陣歹看面」的志氣，參「天拍天成」、勇甲若牛的體格，欲哪堪會去。

俗語講：「天飼人肥胸脯，人飼人一支骨。」阿爸講伊一世人攏咧軀田塗，伊對土地誠敬重。伊定定會提田裡種作的過程佮其中所包涵的哲理來教示我。阿爸雖然無讀佹濟冊，毋過參伊開講，會予我學著誠濟冊內底仙學嘛學袂著的智識。

¹魯仲連(Lóo Ti ō ng-liân)

臺中市108年度語文競賽初賽閩南語朗讀國小學生組

編號 5 號

【思念火金姑】 張逸嫻¹

每一個人佇一生當中，攞有家己難忘的記持。這件代誌可能是歡喜、受氣、悲傷、艱苦、感動……等等各種的心情。佇我的記持中，予我上難忘的代誌，就是舊年，阮規家伙仔，參加一个叫做「走揣火金姑」的活動。

我對火金姑會佇烏暗中發光，尾溜爍咧爍咧感覺足好奇。知影有這個活動，我就抱著真歡喜的心情，期待佢火金姑第一擺的相會。

四月油桐花當咧大開，所以遊客足濟。這陣日時有白色浪漫的油桐花通好欣賞，暗時閣會使佇火金姑的「閃爍樹林」，觀賞完全無全款的景緻。這個時陣來遮，會使講「一空掠雙隻」，趁著矣！

因為交通真利便，這工阮食飽晝才對大甲出發，差不多一點鐘就到東勢。欲到位的時，遠遠就看著規大片白色的油桐花。

一到位阮就沿路行，沿路看油桐花若像咧落雪，落甲規塗跤攞是油桐花。我佢小妹攞感覺油桐花真嬌，真毋甘共個踏著，阮就彎來幹去，跳來跳去，親像咧跳舞全款，實在有夠心適。

天欲暗進前，阮趕緊食暗。因為愛冗早來去樹林，等下昏暗的主角「火金姑」！解說人員那行那共阮解說：每冬的四、五月是火金姑開始飛出來活動的季節。公的佢母的的火金姑攞會發光，猶毋過母的光度較無遐光。無全款的火金姑，爍咧爍咧的節奏嘛無全款，按呢佇暗眠摸的草仔埔，就知影互相的身份。佇暗暝飛出來爍咧爍咧的大部份是公的，母的就歇佇葉仔頂，發出較無遐光的訊號；若是公的發現全種的母的所發出來的訊號，就會飛過去。

阮順溝仔墘行，四箍輾轉的火金姑，有的遠，有的近，飛來飛去，閃閃爍爍，親像跳舞的鼓仔燈全款，浮浮沉沉。我心內真懷疑，人講的燐燐爍²，敢是按呢？這時陣，目一瞞，雄雄千千萬萬的火金姑，浮出來佇阮的目睷前，予人想袂到，予人掣一趲，遮爾予人歡喜，遮爾予人感動！我的目睷毋知當時煞澹糊糊。真好運，真幸福，看著這個場面，感覺就像咧眠夢全款。

又閣是火金姑颺颺飛的季節，這場盛會，今年我欲哪會使綴無著陣咧！

¹嫻(hàn)

²燐燐爍(iap-iap-sih)

臺中市108年度語文競賽初賽閩南語朗讀國小學生組

編號 6 號

【媽媽的白頭髮】 劉明新

有一首詩是按呢寫的：媽媽的白頭髮，親像秋天的菅芒花，歷盡風霜，才會開甲白蔥蔥；媽媽的白頭髮，親像春夜的月娘，烏雲散去，才會笑甲遐迷人！毋管是菅芒花抑是月娘，媽媽的白頭髮，是我霧夜的燈塔，永遠照著我的前程，引惹我覘入安全港。

「媽——莫振動！遮有一支白頭髮，我共伊挽起來好無？」彼是佢久以前的代誌矣。細漢的時，我若看著媽媽的白頭髮就想欲共伊挽，彼个時陣阮媽媽才三十幾歲爾！拄開始，干焦一兩支，後來三四支，五六支，愈挽愈濟，挽甲我心肝頭會毋甘。媽媽看著我的表情，會故意激予輕鬆輕鬆，消遣家己講：「無要緊啦！彼是表示有智慧，白頭毛愈濟表示愈聰明啦！」其實，我知影，彼是伊為一家大細付出伊的青春佻血汗上好的證明。

你看，一工長軀軀，啥人親像媽媽遮辛苦？透早起來攢早頓，叫囡仔起床、洗手面、食早頓，送囡仔去讀冊，家己閣愛趕去上班，轉來厝裡，閣著款暗頓、鑊塗跤、洗碗箸、清灶跤、監督囡仔做功課。工課無閒煞，想欲坐落來歇睏一下，

已經是三更半暝矣。莫怪有人講，媽媽像干樂透日咧玲瑯甞，為著家庭頭髮哪會袂白？

其他的煩惱閣較濟，囡仔歹育飼，定破病第一煩惱；佇學校佻人冤家，無寫宿題予老師罰倚；穿有燒、食有飽、一路平安無？逐項煩惱。媽媽的心，就敢若風吹線，毋管風吹飛佢懸，伊攏會共線摸牢牢。有一條歌意思是按呢講：我是風吹，媽媽是線；媽媽希望我飛懸、飛遠，閣驚我會無安全。最後，媽媽用伊的白頭髮做風吹的線，予我愈飛愈懸、愈飛愈遠，閣袂落落來。

這馬我已經無閣共媽媽挽白頭髮矣，規頭白頭髮，閣挽，媽媽的頭髮恐驚會予我挽了了。這馬阮換共媽媽染頭髮。

我嘛大漢矣，會曉體貼媽媽的辛苦，為著無愛予媽媽的白頭髮愈來愈濟，看著媽媽咧無閒，我攏會主動去鬥跤手；我的功課嘛準時寫予了，成績盡量拚頭名；身體家己照顧予勇，想欲減少媽媽的白頭髮！

我是風吹，媽媽是線；白色的頭髮，白色的風吹線，有媽媽的青春佻血汗，嘛有媽媽的關心佻疼痛。看著媽媽的白頭髮，我干焦想欲講一句：「媽媽，我愛你！」

臺中市108年度語文競賽初賽閩南語朗讀國小學生組

編號 7 號

【巷仔內的形影】 王湘富

細漢的時陣，定定坐踎庄跤阿媽兜頭前門的椅條(liâu)邊，喙仔開開聽阿媽講台灣民間故事。聽阿媽喙角全波咧講「蟹蜆討命」、「地牛翻身」，佱「劍潭」、「鶯歌」的故事。其中有神祕傳奇、有忠義的先民，也有悲涼的戀情。逐擺聽遮的故事，我的心肝頭感覺真心適閣真趣味。想袂到，我的故鄉是遮爾仔古錐迷人。拄著阿媽心花開時，伊閣會哼(hainn)幾條仔南管、北管的小曲小調，予我鼻芳鼻芳；雖然講彼陣台語我猶聽無啥會慣勢，毋過，我嘛是足佱意佇暗暝，坐佇頭前門的椅條，倚佇阿媽身軀邊，那看滿天不時閃爍的天星，那聽阿媽共我講伊往過的風華佱這片土地的人文。

我去讀小學了後，就漸漸較少轉去阿媽兜過暝，只有佇咧歇熱的時，我才會牽阿爸佱阿母的手，共個司奶(sai-nai)，厚面皮要求個炁(tshuā)我轉去阿媽兜。會記得有一擺，阮駛車去阿媽兜，一開始，日頭赤焱(iānn)焱，車窗外的斑芝(pan-tsi)開甲橫霸霸，一蕊一蕊金爍爍，跟綴微微的涼風，親像一陣一陣柑仔色的海湧，溢(ik)來溢去，看著真感心。遠遠的小山崙(suann-lūn)，花開甲紅透枝，滿山遍野，予人誠驚奇。齊

(tsiâu)齊齊拍莓(m̄)開，恬𪗇𪗇(tsiuh)面向天，樹檯(ue)停三、四隻青苔仔(tshenn-thî-á)，咧唱迷人的歌詩，如癡如醉，予人心迷。一觸久仔，雄雄煞來烏天暗地，狂風大作(kông-hong-tāi-tsok)，飛沙走石(pue-sua-tsáu-tsiòh)，雨規桶拚、落袂離。等阮駛車駛到阿媽兜頭前門一條狹巷仔的時，越頭煞看著阿媽倚佇低牆邊，擲雨傘咧等阮。

阿媽看阮已經到位，三步做兩步走出來接我。我佱阿媽公家擲一枝小雨傘，𪗇(nng)過彎彎曲(khiau)曲的小路，一直行到我記憶中阿媽的紅瓦厝。我擲頭斟酌看一站仔，佱細漢記憶中全款的椅條、全款的門窗、全款的矜簷(gîm-tsînn)，四界敢若攏有我的笑聲佱形影。細漢時陣種種園佇心內的光景，漸漸浮現佇目睷前，清清楚楚，使人懷念，使人迷戀。阿媽無等我入去厝內坐好勢，隨就擻(phâng)一碗燒燒的紅豆圓仔湯來予我，我那咁燒燒的甜湯，身軀也感覺燒熱起來；圓仔湯一喙一喙，食甲喙內甘甜甘甜，心肝頭嘛甘甜甘甜。時間的流變，黯(àm)淡事物的光彩，煞掩焱(am-khàm)袂密人佱人之間的溫柔。彼一暗，阿媽擻雨傘佇巷仔口的形影，擻圓仔湯予我咁的一片心意，無聲無說行入我的夢中，夢中伴相隨。

臺中市108年度語文競賽初賽閩南語朗讀國小學生組

編號 8 號

【 簕仔店 】 蔡櫻華

細漢的時陣，阿母定定恁我去揣蹠佇鹽埕埔的外公。外公開簕仔店，外口有掛一塊鴨綠色、淡薄仔落漆的薰酒專賣圓形鐵牌仔。光映映¹的店內啥物都有咧賣，厝邊隔壁煮菜的時無鹽抑是無豆油，就會叫厝裡的囡仔來遮買。簕仔店內底囡仔愛食的四秀仔嘛真濟：樹奶糖、金含、鹹酸甜、茶仔粉、塗豆糖……。見擺外公若問我講：「阿華，欲食糖仔無？」我攞會真歡喜大聲喝講：「好啊！」阿母會共我擋，講彼是外公欲提來賣的，外公總是笑講：「無要緊啦！囡仔愛食就予伊食，無差彼幾箍銀啦！」這個時陣阿母就會佇邊仔趑趑唸講外公傷倖孫，外公干焦笑笑摸我的頭。我因為有糖仔通食，感覺真滿足，心內嘛希望家己大漢的時陣會使佢外公全款開一間簕仔店，予我的孫有糖仔通食。

彼當陣簕仔店誠時行，干焦外公厝附近就有兩三間，我佢小弟、阿芬猶有潘的攞會走去外公厝後彼條巷仔的簕仔店買「養樂多冰」，熱天食真正是透心涼，予人心花開。嘛會行到鹽埕國小閣過去的巷仔內的簕仔店抽獎，若是提著鬥字獎，全

款的字總是鬥袂答，一直鬥袂著「台」、「灣」、「是」、「寶」、「島」抑是「義」、「賊」、「廖」、「添」、「丁」。每擺對外公遐勅來的銀角仔，總是投資佇彼註死永遠袂袂著的第五字。

我嘛真俗意去彼間簕仔店買物。有時共頭家娘講我欲十粒糖仔，伊就會對櫥仔頂提紅蓋的桶仔落來，蓋拍開，對內底提糖仔，一粒一粒囡佇我充滿期待的手內，我心肝內嘛綴咧算，一粒、兩粒……。佇我的手內疊一座細粒山，然後我就足歡喜共糖仔園入去褲袋仔內底，擰十箍予頭家娘。簕仔店外口有一台大冰櫥，內底有真濟枝仔冰，我佢小弟躡躡尾，共頭直欲栽入去冰櫥內揀想欲食的冰。梅仔的看起來真好食，啊毋過芋仔嘛袂稔呢！「正陽，你買梅仔我買芋仔，按呢就攞食會著矣！」做阿姊的我就按呢壓霸替小弟決定，閣來就那行那食轉去厝裡。

去外公兜厝邊的簕仔店買物件成做我永遠放袂記得的囡仔時代的回憶。

¹ 映(iànn)